

Client: ALLIANCE FOR HEALTHY CITIES

Date: 4 NOVEMBER 2021

Publication: ORIENTAL DAILY NEWS

Circulation: 500,000

Page No: A6

Section:

倡私醫助分擔專科新症 周伯展鬧政府懶回應

公營醫院專科門診輪候時間動輒以年計，其中眼科更係重災區。香港眼科醫學院前院長周伯展批評情況唔理想，指早就有醫生組織提議為政府分擔新症數目，奈何一直得唔到政府積極回應，受苦嘅都係市民啊！

眼科重災 拖得耐隨時盲

醫院管理局上周公布新一季專科門診穩定新症輪候時間狀況，眼科以九龍中同九龍西聯網嘅情況最嚴重，要輪候超過兩年。周伯展尋日出席醫學論壇時向傳媒表示，香港執業眼科醫生會一早已提議透過公私營合作方式幫輕政府，而之前亦有好嘅先例，例如早年公營醫院有約3萬名病人



■周伯展敦促政府認真推動公私營合作，縮短眼科輪候時間，造福病人。
(陳嘉順攝)

人排期進行白內障手術，平均輪候時間係5年，經過醫生會介入後，喺兩年內成功將輪候人數減到一萬，但可惜政府未有積極嘅合作計劃。

周伯展提到眼疾若然錯失治療黃金期，可能會導致失明、冇得醫，就例如黃斑點退化要喺幾星期內治療先得啊，所以話政府真係要積極縮短專科輪候時間喇。